

留

青

日

札

留青日札卷之十六

錢塘田藝衡子秬撰

倩徐懋升玄察校

陳田同音

今人但知敬仲奔齊以田易姓以爲第用陳字之右腹耳殊不知形旣存舊聲亦同音蓋尊祖敬宗不忘本始也今之田徒年切古亦如直珍切詩定之方中云雲雨旣零命彼信人星言夙駕說于桑田漢童謠亦云邪徑賊良田讒口害善人唐韓退之越裳操亦云虎荒于門孰治于田四海旣均越裳是臣皆可見

矣通志但云陳氏爲田氏音訛也才言此耳

以國爲氏

陳氏媯姓初封虞城後封于遂今鉅野後封於陳今
陳州治宛丘縣本太昊伏羲氏之墟舜傳天下于禹
禹封舜之子商均于虞城周武王克商乃求舜後以
簡三恪得胡公滿封之于陳以奉舜祀或曰當周之
興有虞遏父者爲周陶正武王賴其器用妻以元女
太姬生子滿而封于陳以奉舜祀滿號胡公往往以
頡胡之故而得此號成公元年楚王爲夏徵舒弑靈
公遂率諸侯伐陳謂陳人曰無恐吾誅徵舒而已已

而縣陳群臣皆賀申叔時不賀王問其故曰鄙語有
之牽牛以蹊人之田田主奪之牛蹊則有罪矣而奪
之牛不亦甚乎今君徵兵諸侯以討不義已而取之
以利其地何以令于天下是以不賀王曰善乃迎陳
靈公太子午于晉而立之是爲成公孔子讀史記至
楚復陳曰賢矣哉楚莊王輕于乘之國而重一言哀
公三十四年司徒招作亂楚靈王使公子弃疾帥師
圍陳滅之使弃疾爲陳公晉平公問太史趙曰陳遂
亡乎對曰陳顯帝之族自篡至于瞽瞍無違命舜重
之以明德實德于遂蓋商之興也存舜之後而封于

遂世世守之及胡公不淫故周賜之姓以舜居媯汭故姓之曰媯而祀虞帝且盛德必百世祀虞之世未也五歲弃疾弑靈王而自立是爲平王欲和諸侯乃求陳悼太子偃師之子吳立爲陳侯是爲惠公潛公二十二年獲麟之歲也二十四年楚惠王使子西之子公孫朝伐陳而滅之子孫以國爲氏又廣陵之陳實劉氏魯相無子以外孫劉矯嗣河南氏志云侯莫陳之後亦改爲陳氏又白氏貴隋初改爲陳氏是爲萬年之陳也按陳媯姓也然伍員曰夏少康爲有仍牧正逃奔有虞虞思妻之以二姚是則又爲姚姓也

蓋媯姓始于周姚姓自夏有之然則堯舜妻以二女而賜之姓者賜以姚也謂為媯誤矣自夏之前為虞國至商為遂國未知虞之存于商否然至周則遂虞皆為姬姓國矣而胡公之陳為媯不復言姚矣

陳田始末

黃帝生昌意昌意生顓頊顓頊生窮蟬窮蟬生敬康敬康生句芒句芒生矯牛矯牛生瞽瞍瞽瞍生舜凡八世路史曰五帝之中獨舜不出于黃帝虞幕生窮係生敬康生喬牛生瞽瞍舜起媯汭以媯為姓至周武王封舜後滿于陳是為胡公傳申公犀侯傳弟相

公臯羊傳中公子孝公突慎公圉戎幽公寧釐公孝
武公靈夷公說傳弟平公燮文公圉桓公鮑傳弟厲
公佗母蔡女也厲公二年生子敬仲矣周太史筮之
卦得觀之否是爲觀國之光利用賓于王此其代陳
有國乎不在此其在異國非此其身在其子孫若在
異國必姜姓姜姓太嶽之後物莫能兩大陳衰此其
昌乎自胡公至完凡十三世七年蔡人殺厲公傳桓
公太子免之子利公躍五月傳弟莊公林傳弟宣公
杵臼二十一年殺其太子禦寇完懼禍奔齊乃齊桓
公小白之十四年也桓公欲使陳完爲卿完曰羈旅

之臣幸得免負擔君之惠也不敢當高位桓公使爲
工正工正者周禮冬官爲考工主器械者或曰掌百
工也齊懿仲欲妻敬仲卜之占曰是爲鳳皇于飛和
鳴錚錚有媯之後將育于姜五世其昌并于正卿八
世之後莫之與京敬仲以陳字爲田氏或曰陳田聲
相近也應劭曰始食菜地由是改姓田氏然齊無田
邑完字欽仲史記曰謚也生田穉孟夷或作夷孟思
生田潛孟莊一作孟芷或作閻孟克生文子田須無
諫莊公厚客晉欒盈弗聽生桓子田無宇有力事莊
公有寵生武子田開釐子田乞乞事景公爲大夫以

小斗受賦稅以大斗予粟行陰德于民得齊衆心宗族益彊民思田氏使乞救范中行氏輸之粟逐國惠子斥晏孺子荼而立悼公陽生于家遂爲相專齊政生成子田常相簡公壬復修釐子之政齊人歌之曰姬乎采芑歸乎田成子以田豹田子行言殺監止子我遂殺簡公立平公鶩常相之修功行賞親于百姓言于平公曰德施人之所欲君其行之刑罰人之所惡臣請行之五年齊政皆歸于常割安平以東至琅琊自爲封邑大于平公之所食生襄子田盤一作堅作班他男七十餘人或曰百餘人盤相宣公使其兄

第宗人盡爲齊都邑大夫以有齊國生莊子田白一
作伯相宣公生悼子田 次太公田和相宣公五十
一年田會自廩丘反康公貸十四年和遷康公海上
十八年和與魏楚衛會濁澤求爲諸侯文侯請于周
天子許之十九年立和爲齊侯紀元年生桓公田午
或曰午弑侯田剡及孺子田喜而兼齊生威王田因
齊故齊康公卒絕無後奉邑皆入田氏自稱爲王以
令天下最彊于諸侯生宣王田辟疆三晉之王皆朝
于博望生湣王田地一作遂三十六年王爲東帝二
月復爲王欲并周室爲天子泗上諸侯鄒魯之君皆

稱臣諸侯恐懼四十年樂毅入臨淄走莒淳齒殺之
生襄王田法章安平君田單復齊生王田建四十四
年秦虜王建遷之共齊人怨之歌曰松耶柏耶住建
共者客耶疾建用客之不詳也自完至和凡十一世
自和至建凡九世歲壬寅呂齊絕歲庚辰田齊滅秦
二世元年齊王田儋二年齊王田假一年齊王田都
元年膠東王田市三年齊王田榮二年濟北王田安
元年齊王田廣二年齊王田橫一年起壬辰至丁酉
而滅共六年漢興諸侯田並徙陽陵後又徙北平其
族田角田間徙關中自春秋至漢代有聞人皆敬仲

之苗裔也漢求帝後媯冒爲始睦侯王莽時封田豐
爲世睦侯一作代睦侯奉敬仲後子恢避莽亂居吳
郡改姓媯氏五代孫敷又改爲姚氏至後魏孝文詔
訪舜後獲萊郡民媯苟之復其家

第二氏

第二氏其先齊諸田漢武帝徙諸陵以門秩次第田
廣之孫田登爲第二氏

第五氏

第五氏媯姓齊諸田之後

第八氏

第八氏出陳留風俗通亦齊諸田之後田廣弟田英
爲第八門因氏王莽時有講大夫第八矯皆以次爲
氏也

荀田氏

荀氏之族見于後世者亦有田氏

田車氏

田千秋因賜小車改爲車氏後魏車焜氏亦爲車氏

田紇干氏

後周田弘爲大司空鴈門郡公賜姓紇干氏紇干氏
本代人孝文帝復改爲干氏

田王氏

齊諸田子孫他徙者人稱之曰王家其後世遂爲王氏

田光氏

田光之後秦末避地以光爲氏故有光氏然田光有二曰先生者見信陵君傳曰守相走城陽見田儋傳聞人氏

聞人氏風俗通少正卯魯之聞人其後遂以聞人爲氏然聞達之人皆謂聞人何必少正卯以惡聞也漢有太子少傅聞人通沛人治后氏禮宋大觀登科聞

人宏政和聞人頴立秀州人聞人韶金華令

聞氏

聞氏即聞人也宋登科有聞見昌聞舜舉此皆以凶德爲氏也愚則以爲聞說文知聲也从耳門聲禮曰諛聞書曰敷聞曰無窮之聞詩曰聲聞曰令聞皆美稱也又安知不有名人者因之以得姓爲聞者乎又何必聞之同于聞人也况闐又地名弘農有闐亭前漢書有湖闐鄉孟康曰闐古闐字建安中正作聞如鄭興客受聞鄉是也又武帝經桐鄉聞破南粵故置聞喜縣今山西也安知不有名人者以地爲姓乎

田以事爲氏

漢王充論五音五姓之妄而曰古者有本姓有氏姓陶氏田氏事之氏姓也上官氏司馬氏吏之氏姓也孟氏仲氏王父字之氏姓也以本姓則用所生以氏姓則用事吏王父字則田之氏姓因上世有事于田農如神農后稷遂師句峻之類或未可知也然胡公滿乃陶正之子其後不爲陶氏何也

姓

姓說文人所生也从女生聲乃曰古者神母感天而生子故从女則非也蓋男女無不由母以生故制字

从女生也非特諧聲本會意也古作𡥉囙恣熈麗明
象形也从生从囙象人生所自出之門戶也白虎通
曰姓生也人所稟以生也故祖父之相生雖百世此
姓不改唐玄宗問于張說曰今之姓氏皆云出自帝
王之後古者無民邪說對曰古者民無姓有姓者皆
有土有爵者也故左傳云天子命德因生以賜姓胙
之土而命之氏黃帝之子二十五人得姓者十四而
已其後居諸侯之國土者其民以諸侯之姓爲姓居
大夫之采地者以大夫之姓爲姓莫可分辨故云皆
出自帝王也此論極正非鑿堯王臆度之言譬如今之

大姓巨族之里其旁義男冢生多竊附主人之姓以長其世數代之後遂莫能辨其真僞矣以今証古不亦尤著明也邪三代以前姓以別婚姻氏以辨貴賤三代以後姓氏浸廣年世既遠族類益繁於是以氏爲姓而索之族矣自五胡金元華夷大混又有以部落爲姓者有因功賜姓者有困過因形改姓者有避仇避難避嫌改姓者有慕前賢名字冒姓者有音訛及音同文異或文同音異轉姓者有省文省言轉姓者又國初禁從蒙古之姓小民畏懼乃併古之覆姓去其一字若皇甫之爲皇呼延之爲呼赫連之爲連

聞人之爲聞者又不可勝計也翰林編修吳沉爲千家姓表進凡一千九百六十八姓然尚有遺者

氏族

氏正義曰猶家也釋例曰別而稱之曰氏合而言之曰族曰姓氏者姓以繫統百世使不別氏以別子孫之所出言姓則在上言氏即在下如今云姓田氏姓聞氏也族者屬也子孫共相連屬其旁支別屬各自爲氏天子賜姓名氏諸侯命族夏之苴氏以吞薏苳而生也今作姒商之子氏以吞燕子而生也周之姬氏以履大人綦而生也推此可知矣

名

名自命也。从夕口夕者，冥不相見，故口以自名也。白虎通：殷以甲乙名，不以子丑名；甲乙幹也，子丑枝也。後世不知此義，以地枝名者多矣。周禮：子生三月，妻以子見于父，父執子之右手咳而名之。又名：子不以日月，不以山川，又若子已孤，不更名。左傳：申繻曰：名有五，有信、有義、有象、有假、有類。以名生爲信，以德命爲義，以類命爲象，取于物爲假，取于父爲類。不以國不以官，不以山川，不以隱疾，不以畜牲，不以器幣。周人以諱事神，名終將諱之，故以國則廢名，以官則廢

職以山川則廢生以畜牲則廢祀以噐幣則廢禮不諱嫌名二名不偏諱逮事父母則諱王父母不逮事父母則不諱王父母君所無私諱大夫之所有公諱詩書不諱臨文不諱廟中不諱夫人之諱雖質君之前臣不諱也婦諱不出門大功小功不諱古者諱名不諱姓生日名死日諱今稱人口尊諱非禮也

字

禮男子二十冠而字冠而字之敬其名也字本乳也从宀子子亦聲王充曰古者立字展名取同義名賜字子貢名予字子我足也公羊傳曰名不如字古之

君子之名子也必以信義而擇淑令所以祥其名也
不以官職所以殊其名也不以畜幣所以重其名也
不以隱疾所以顯其名也通告內外所以昭其名也
書而藏之所以寶其名也賤者避焉所以貴其名也
冠而有字所以尊其名也名成乎禮字依乎名名字
之本字名之末也故曰字以表德有德可表則表之
今無德而字之則亦妄人而已適所以辱其名也又
况降而爲號乎別號之興寒泉榑里兆于春秋蓋周
末文勝之弊也乃今降及輿臺罔不有號嗟乎彼哉

單名無名單字兼字

名之或單或兼示非一也春秋譏二名謂其無常也
今爲吾子孫約以二十字爲兼名曰世益殷齊業嘉
謀自祖貽允能承永志方遂萬年思蓋欲其有序而
不紊也然字亦有單有兼仲尼伯魚兼也臯陶字隤
顏回字淵魯黜字皙皆單也在後世則兼字通行矣

伯仲季

禮五十乃加伯仲白虎通五十知天命思慮定也能
順四時長幼之序故以伯仲號之伯長也大也仲中
也次也季少也末也風俗通曰氏于字伯仲季是也
或稱孟仲季孟亦長也始也或稱伯叔季叔本拾也

收拾之也周之有太伯仲雍季歷也魯之有孟孫叔
孫季孫也文王時南宮氏之有二伯二仲二叔二季
所謂周有八士也然重仲叔而不重伯孟者明長之
不可二也伯夷仲遼而曰叔齊叔即季也猶叔世曰
季世也伯牛仲弓之稱未必皆五十而後加也女子
亦自爲伯仲法陰陽各有終始也十五通乎織紉之
事思慮定故許嫁笄而字若伯姬孟子季女是也

子稱父名

古人質實不獨子思稱祖仲尼如漢爰種亦稱叔父
蓋字曰絲又張頡乃張堪之子至爲朱暉曰大人不

與堪爲友暉曰堪嘗有知己之言則是子稱父名也
母稱子字

晁錯之父稱子曰公班昭女誡曰恒恐子穀負辱清
朝子穀者曹成之字乃曹壽之子也魏畧單固字恭
夏其母夏侯氏謂之曰恭夏汝本自不欲應州郡也
我強故耳

人自稱其字

自宜呼名乃有自稱字者王猛誓衆曰王景畧受國
厚恩王貞與齊王陳啓孝逸生于戰爭之季崔頤答
豫章王書亦自稱祖濬隋帝亦稱曰崔祖濬聞一知

十元結與何負外書自稱曰次山白

田氏古諱不當犯

諱古人名厚道也况姓同乎後人避之母自薄也因
嘉靖間錢塘一輕薄子試于有司與世父同諱故著
之編世父名在正德已卯科鄉試錄中特小人無忌
憚耳凡見于前者茲不重出聊錄其行槩云

田穰苴

大司馬有兵法

田開之

周威公時

田單

安平君

田豹

齊

田無擇

字子方魏文師

田需

魏人

田既

齊將軍

田逆

齊

田駢

稷下號天口作田子

田嬰

一作勝靖郭君

田文

嬰子薛孟嘗君

田吸

齊將

田生

朝人善韓子雜家說

田忌

一名期思徐州

田軫

即陳軫

田解

齊將

田侏子

有墨家三篇

田光

齊守相凡三人

田光

燕處士稱先生

田光

漢盧奴令

田仲

魏君士楚游俠

田連

善鼓琴

田蘇

晉

田景

宋

田何

善易見高士傳

田巴

善鼓瑟

田不禮

楚臣

田邑

田叔

字少卿漢丞相

田仁

淑子司直趙人

田蚡

長陵人武安侯

田甲

賈人

田千秋

丞相富氏侯

田弱

法真

田肯

田確

凡二人

田廣明

大鴻臚

田豫

字伯讓大夫

田彭祖

豫子

田洛

晉刺史

田延年

字子賓大司農

田基

晉中平人司徒

田嗣

陽平人將樂子

田泓

晉將

田疇

字子泰魏亭侯議郎凡二人

田續

時從孫開內侯

田章

晉護軍綿州人

田德平

參軍

田安典

下邳人魏太守

田長樂

安典子

田式

字顯標長樂子三世本郡太守封公

田信

武子隋儀同

田興祖

刺史

田益宗

與記弟光城人曲陽伯諡曰莊

田魯生

隋太守

田魯賢

田纂

皆益宗子

田翼

隋孝行

田弘

字廣畧，屬門郡公。

田仁恭

字長貴，弘子，上柱國。

田世師

仁恭子，平人。

田德懋

仁恭子，平原公。

田軌

雍州長安人，信都郡公。

田弘

軌子，信都郡公，刺史。

田仁會

私子，將軍，諡威。

田歸道

仁會子，原國公，諡烈。

田賓庭

仁會子，光祿卿。

田神功

冀州人，信都王。

田神王

弟，汴宋節度留侯。

田朝

常山，雁門郡王。

田璟

平州人，都水使者。

田守義

璟子。

田承嗣

守義子，鴈門郡王。

田華

承嗣子，太常少卿。

田緒

字緒承，嗣子，駙馬都尉。

田季安

字夔，緒子，太尉。

田懷諫

季安子，衛將軍。

田廷琳

守義子。

田廷暉

璟子，司馬。

田廷玠

廷暉子，尚書。

田縉

字雲長，扶風郡公。

田悅

廷琳子，唐齊陽郡王。

田弘正

字道安，廷玠子，初季安愛之，故名。與朝廷賜今名，巾書。今諡曰忠愍。萬卷樓。沂公史列。

田布

字致禮弘正子節度尚書僕射諡曰孝天下崇忠義田氏

田少卿

德昌公

田鑑

布子刺史

田融

弘正兄太子賓客留守

田羣

弘正子刺史

田肇

弘正子代弟羣死

田牟

弘正子尚書左僕射

田昂

梁鎮南將軍

田晁

節度使

田秀

田昉

刺史

田存賓

將軍

田頴

字山臣合肥人上章

田鳳

唐京兆判官即京兆田郎

田澄

唐蜀人能詩

田游巖

三原人入太白山隱箕山詩由變翻拜崇文館學士洗馬

田鸞

食栢葉得仙

田璆

得仙

田志亨

真吾人遠真子得仙

田敏

鄒平人梁少保

田章

敏子殿中丞

田錫

洪雅人宋侍郎

田况

陽翟人少傳諡宣簡

田晝

字承君况從子校書郎

田渭

縉雲人進士浙東提舉

田疇

字亭人六第士北首

田仁朗

知州

田祐恭

思州人世守本州

田瑜

壽安人學士

田闢

京人世稱義方田氏

田如鼇

進士轉運副使

田如鵬

進士

田如鵠

進士

田如鴻

進士

田京

滄州人諫議大夫

田開

知州

田洞

刺史

田告

濟東人善太玄

田照鄰

知縣

田紹斌

汾州人團練使

田重進

知州

田琢

字師之安定人尚書

田景遷

刺史

田真子

晉江人進士

田鎮則

字朝英分宜人進士

田澹

宗正丞僞學黨籍

田侔

陵人宋尉有傳古堂藏書五萬七千卷世稱荆南田氏

田鎬

傳之子

田真

京兆人

田廣

田慶

紫荊田氏

田子真

侍郎

田雄

元京兆總管

田灝

字默之興中人建尚書

田道源

宋太傅堇西湖

田確

安陽人金尚書

田温

荊州人元守本州

田茲

開封人元

田槩

北平人石錄六卷

田忠良

字正卿方

田天澤

忠良子

田章皐

巴東人光

田豐

山東人

田氏本支譜圖

田九疇

一世

田得源

二世

田瓊

三世

田英

四世

田邦

五世

元末人

本開氏

生二子

瑞生二

美生三

寧朝子

公三子

無嗣

生二子

田汝登

六世

字伯禾

田世傳

八世

田益

九世

田殷

十世

以藝衛為嗣今以

次孫世傳為之後

田汝成

六世

田藝衛

七世

田世守

八世

田益

九世

田殷

十世

字叔禾

字子藝

生三子

田世得

八世

田益

九世

田殷

十世

中大夫

生二子

田世爵

八世

十六卷終

留青日札卷之十七

錢塘田藝蘅子稭撰

倩徐懋升玄舉校

越絕書人姓名字考

余嘗作越絕書序見文集上二卷所云以去爲姓得衣乃成厥名有米覆之以庚以口爲姓承之以天楚相屈原與之同名去而得衣非袁乎米而覆庚非康乎此則姓袁名康也蓋袁長衣貌从衣曹省聲毛氏云从口俗从厶非也康本古文米康字从米庚聲口承以天當爲吳屈原同名當爲平此則姓吳名平也

吳大言也从矢口大言故側口以出聲類苑云如言
有口爲吳無口爲天是古文變隸易楷之訛非从天
也又王充按書篇云臨淮袁太伯袁文術會稽吳君
高又云君高之越紐錄臨淮郡漢武帝置今徐州會
稽秦郡漢爲吳國今蘇州以康爲泰也則當字曰太
伯以康爲衢也則當字曰文術蓋術者道路也豈兩
人邪或一人而二字也高平曰原故屈子名平而字
原今平之字曰君高宜也况漢之高平縣屬臨淮亦
其證也越紐者即越絕也蓋紐有結束之義即絕之
所謂斷滅也紐有關紐之義即絕之所謂最絕也豈

初名越紐錄而後定爲越絕書邪又隋志作越絕紀
漢文選注有富中越絕書

泰伯季歷

周泰伯旣爲吳開國之君使袁康而吳人也則不當
復字曰太伯使越人也則是幸吳之亡而犯賢聖之
字矣以此推之則越絕本含兩義而文術之字爲當
也論者曰太王亶父以王季之可立故易名爲歷歷
者適也太伯覺悟之吳越采藥以避王季使太王不
易季名而復字之季太伯豈覺悟以避之哉又以此
推之則季歷之名文王曰昌西伯之名武王曰發是

三代皆有無君之心矣故曰至于太王實始翦商又曰西伯陰行善政皆可疑也泰伯真至德矣

越句踐四世五世考

周貞定王四年丙子乃越伯句踐三十二年冬十一月句踐卒子適郢立見左傳紀年作鹿郢史記作麇與十年壬午伯適郢六年卒子不壽立二十年壬辰伯不壽十年卒子翁立是爲朱句威烈王十四年己巳越伯翁三十七年卒子翳立二十二年丁丑乃越伯翳之八年次年戊寅入通鑑史記越世家句踐卒四世而至王翳翳卒子王之侯立索隱引紀年云翳

遷于吳三十六年七月太子諸咎弒其君翳呂氏紀
越授有子四人越王之弟曰豫欲盡殺之而爲之後
高誘注授乃句踐五世孫越絕書句踐子與夷與夷
子子翁子翁子不揚不揚子無疆楚威王滅之無疆
之子之侯竊自立爲君長之侯子尊尊子親親失衆
楚伐之走南山淮南子翳賢不欲爲王逃于山穴之
中越人以火熏之出而立之虞翻曰越王翳讓位逃
于巫山之穴越人熏而出之斯非泰伯之儔邪見三
國志注越人三世弒其君王子搜患之逃乎丹穴而
越國無君求王子搜不得從之丹穴王子搜不肯出

越人熏之以艾乘以王與王子搜援綬登車仰天而
呼曰君乎君乎獨不可以舍我乎搜素善反又悉邁
反邀邁反李云名淮南子作翳丹穴爾雅云南戴日
爲丹穴見莊子元王三年越滅吳盡有吳地傳六世
至王無疆伐楚大敗顯王三十六年也楚威王殺無
疆盡取故吳地至浙江越以此散亡是史記句踐之
四世王翳五世王之侯高誘句踐之五世授紀年四
世翳五世諸咎越絕四世無疆五世之侯又云句踐
生鼫與鼫與生不壽不壽生翁翁生翳翳生之侯之
侯生無疆實六世舊經云五世者誤也見浙江通志

注惟史記與越絕頗合豈無疆爲翳之字邪之侯疑
即諸咎之音訛也紀年諸咎弑其君翳而越絕則楚
滅無疆之侯竊自立爲君長觀竊字之意亦頗可疑
或以爲翳即豫黽與即夷與不揚即不壽而諸咎即
授之子皆未可知也

夏啓周武王皆八十二歲即位

禹年一百六歲而卒啓即位年八十二歲則啓生時
禹年二十四歲而紀云禹三十未娶行至塗山而娶
女媭何也文王年九十七歲而卒十五歲而生發則
武王即位時亦當八十二歲在位十九年則是一百

一歲而紀云九十三亦誤也又云殷王祖甲二十八
祀庚寅生昌則又六年而爲廩辛又六年而爲庚丁
又二十一年而爲武乙又四年而爲太丁又三年而
爲帝乙又三十七年而爲紂辛凡一百一十年而商
亡文王壽九十七則死後十三年而武王興也伯夷
罪之曰父死不葬爰及于戈信十三年而不葬則武
王誠不忠不孝者矣近作四書人物考者皆失于考
證何也

周武王老而娶呂邑姜

文王十三而生伯邑考十五而生發則武王之生乃

庚丁三年甲辰也文王至紂十五年而始得呂尚則
武王巳年七十六七矣而云娶呂尚女邑姜豈其父
方十二即冠而娶太似顧其子反老耄而始婚邪非
人情也亦非禮也况太公此時已八十矣故西伯稱
之曰叟樂此邪則翁婿年相若矣以年相若之婿而
又稱其翁曰師尚父豈情之所安也哉

孔子傳考正

孔子以魯襄公二十二年庚戌十一月庚子生或作
十月二十一日六歲而顏路生九歲而子路生十五
歲而閔子騫生十九而娶于官氏亦非三十而婚之

禮也二十而生伯魚時爲委吏司職史史記言弟子
益進此時諸門人皆未生不知果何弟子也二十九
歲冉有仲弓生三十巫馬期生三十一顏淵生伯魚
年十一矣三十二子貢生三十五樊遲生次年原憲
生本傳云夫子自周反魯弟子稍益進顏子方六歲
不知又何人也又云魯亂適齊爲高昭子家臣以適
乎景公夫孔子三十歲時景公與晏嬰適魯既有秦
穆公之對而景公說矣至此又何必自辱爲家臣以
通乎景公也不臣于晏嬰而臣于高昭子何也三十
九澹臺滅明生四十二公西華生四十五子夏生

陽虎亂季氏僭六子不仕退而修詩書禮樂志彌
衆至自遠方莫不受業時顏子方十五次年而子游
曾子方生乃問歌器夫十七而孟釐子稱其達三十
三而齊景公稱其聖人之智四十二而知桓子之積
羊辯吳專車之骨反獨不知宥坐之器而問焉何也
本傳四十七爲中都宰史記在五十二年次年子喪
生又次年子賤生五十一誅少正卯史記遲五年五
十七畏于匡顏淵後年二十七子路年四十八而出
之本傳在五十四困陳蔡之後亦誤也六十宋司馬
桓雅逐之適鄭立東門鄭人謂子貢曰東門有人其

類似堯其項類臯陶其肩類子產自腰以下不及禹者三寸此人固未嘗見堯禹輩而乃云然者不亦妄哉喪狗之言好事者傳會輕侮之文也而學士大夫信之可發一笑六十一與蒲人盟毋適衛遂適衛子貢曰盟可負邪子曰要盟神不聽此非聖人之言也夫神雖不聽要盟君子既與之盟雖要亦不可負也終欲負之何如其初之不從邪自陳遷蔡史記作六十傳多三年危陳蔡之時弟子有愠心子路時五十四子貢三十二類子三十三則伯魚當四十四傳云鮒五十而卒則顏子亦當四十三四矣以請車之事

知之也何以曰三十二而卒夫子惜其短命無明文也夢奠時傳作七十三吳氏曰時伯魚已歿六年則又當爲七十五矣此皆人物考之失考者也

仲尼庶生

孔氏子姓出宋閔公之後閔公生弗父何以有宋而授厲公三世生正考父傳所謂三命滋益恭者考父生孔父嘉爲大司馬即宋華父督殺嘉而取其妻者也其子奔魯後世以字爲孔氏又爲孔父氏五世曰叔梁紇有女無子妾生孟皮有足疾後娶顏氏之三女徵在生仲尼三歲父亡十七歲母亡仲尼生鯉伯

魚出妻嫁于衛庶氏生二子長早喪無子所記子思之哭嫂爲位是也一子相承至九世次郎伋子思之子名白字子上

舜妹 孔妾

人皆知舜有教弟而不知有教妹史曰父母不愛弟妹不親是也仲尼之妾人所未知者宰我對楚昭王曰夫子妻不服采妾不衣帛是也禮四十無子而後娶妾孔子二十而生鯉此必婢耳豈開官氏既出而畜之者邪妻既出矣則于六十六歲之下不當復書曰夫人開官氏卒

丘尼取義

孔大也丘土之高也尼古夷字夷平也蓋高而平之命名命字之義也如言陵夷若丘陵之漸平也如漢藝文志公孫尼子與夷同是也何必神之曰禱于尼山而云然哉古亦作尸漢書尸江地名司馬尸人名又尼從後近之也猶昵也又和也尸子曰悅尼而來遠即孔子所謂近者悅而遠者來也尼通作峴峴反頂受水丘从山尼聲言頂當高反下故曰反頂引孔子象峴丘山四方高中央窵下也又曰孔子反宇見文選注又後漢高獲傳爲人尼首方面

孟子傳考

孟氏姬姓魯桓公子慶父之後也慶父曰共仲本仲氏亦曰仲孫氏爲閔公之故諱弑君之罪更爲孟氏亦曰孟孫氏又衛有公孟縶之後亦曰孟氏齊有孟軻字子車秦有孟說齊有仲孫湫韓有仲孫章蓋孟以次爲氏也孟子周定王三十七年夏四月二日生即今之二月赧王二十六年春正月十五日卒即今之十一月年八十四歲母仇氏

四明公

東有啓明文王西伯邵公召南也而段成式乃以爲

夏啓爲東明公文王爲西明公邵公爲南明公季札爲北明公又不知吳延陵何以屬北可笑之甚

老成氏考成氏

老成子古賢人其裔孫曰老成方爲宋大夫著書十篇言黃老之道又考成子著書述黃老之道列子有考成子幼學于尹文先生見通志以古德爲氏

舜文五人

舜有臣五人曰禹稷契臯陶伯益也荀子曰禹得益臯陶橫革直成爲輔呂氏春秋曰禹得陶化益真成橫革之交五人化益世本宋衷注伯益也真成即直

成也 文王五臣號叔閣天太顛散宜生南宮适也
見孔子答孟武伯問 晉重耳自少好士年十七有
賢士五人曰趙衰狐偃賈佗先軫魏武子 孟獻子
有友五人曰樂正裘牧仲孟子忘其三人今按仲孫
蔑嘗曰吾甚貧惟有二士曰顏回茲無靈者使吾邦
家安平百姓和協惟此二者耳本作姓裘名牧仲
衛太子與五人介與殺從曰太子良夫宦者羅伯姬
孔悝母也

伯夷仲遼叔齊

孤竹君墨台音眉怡見孔叢子注一作默台見路史

名初字子朝見韓詩外傳孤竹國名即觚竹北海之
孤山是也太史公伯夷傳曰伯夷叔齊孤竹君之二
子也而不知孤竹君有三子曰伯夷名允一名元字
公信乃元子曰伯遼名憑乃中子曰叔齊名致字公
遠一作智字公達乃嫡子或曰夷齊諡也畧見春秋
少陽篇伯遼見周曇詠史詩注伯當作仲見吾衍開
居錄初欲立夷不可初薨夷齊偕巽去之北海之瀕
于是立憑或曰憑夷齊之弟一曰異母弟見烈士傳
漢光和元年柳城岸壞遼守虞翻夢人曰予伯夷之
弟孤竹君之子遼海見漂旦往視之有浮棺尸絳衣

露冠者葬之又搜神記見浮棺破之而語破者尋死
民有強保視者皆無病而死此其異也宋元符三年
封伯夷爲清惠侯叔齊爲仁惠侯而仲遼則無傳故
世罕知之後墨台氏辟難改爲墨氏又改爲怡氏故
其後有怡寬後漢樅陽侯竹晏報怨不改姓加二作
竺以存夷齊是也又齊太公之祖亦名伯夷

三千人

夏桀牛飲者三千人孔子從學者三千人孟嘗君四
公子食客各三千人漢高祖夜出美女三千人宋武
帝三千歌舞宿層臺不過皆言其多耳

四皓

會稽太守王景興問士于虞翻翻對曰鄞大里黃公
潔已暴秦之世高祖卽祚不能一致惠帝恭讓出則
濟難會稽續志云黃公之賢列于四皓在秦漢時乃
里人也晉夏統言會稽土地風俗其人循循然猶有
黃公之高節王元之在汝州有詩云未必頭如樗里
子也應頭似夏黃公畢文簡譏之以謂不當云夏黃
公世于美詩云黃綺終辭漢王逸少有尚想黃綺帖
陶淵明詩云黃綺之商山南史阮孝緒云漢道方盛
黃綺無間山林是皆以黃爲姓矣王貢傳序四皓名

字當讀爲綺里季夏而後人誤讀爲夏黃公者亦猶樂正裘牧仲之誤耳袁正獻之父作羗牖閒評云今王姆乃黃墓也舊傳爲秦世黃公墓云又曰黃姑林卽黃公林也輿地志云鄆有大里夏里黃公所居按今鄆無大里亦無夏里今有仲夏亦傳爲夏黃公所居云史記留侯傳註陳留志云公姓崔名廣字少通齊人隱居夏里修黃老之道云先有崔姓者作家乘故撰黃爲崔以誣祖之豐南禺道生亦云公姓崔名廣下黃人也故號下黃公古有內黃外黃上黃下黃皆趙魏地見應劭東觀漢記黃伯思東觀餘論云奉

化志謂爲奉人定海志謂爲定人俱非定志以舟山
有黃公墓乃後漢道士赤刀厭虎爲虎所食者廣一
作廓園公姓唐名秉字宣明襄邑人居東園一作園
角里姓周名術字元道河內軹人太伯之後號霸上
先生今洞庭山有角里村一作祿里綺里姓朱名暉
字文季姓氏書綺里姓季氏也一作綺李皆不可信
南子子南

衛夫人南子少子郢字子南又楚令尹子南又孔子
弟子秦祖字子南

古先生

唐詩依止古先生一作故乃竺乾國人善入無爲

劉季非字

漢高祖荀悅曰諱邦字季蕭何曰劉季固多大言呂媪曰何自妄許與劉季呂后曰季所居上常有雲氣故從往常得季夫季當爲行如古之伯仲季非字也如後曰追尊兄伯號曰武哀侯伯名演字伯升又曰始大人常以臣亡賴不能治產業不如仲力今其之業所就孰與仲多仲郟陽侯名喜能爲產業見漢書是知伯仲非二兄之字皆行也古人質朴故以伯仲季爲字稱耳如云會羽季父左尹項伯師古曰伯者

其字也名纏越絕書吳王濞父字爲仲又曰邦之字曰國者蓋臣下以國避諱代邦之義也如文帝諱盈之字曰滿師古曰臣下以滿字代盈是也後光武諱秀字文叔伏侯古今注曰秀之字曰茂伯仲叔季兄弟之次長兄伯升次仲故字文叔焉

臯伯通高伯通

梁鴻字伯鸞易姓運期名耀字侯光其妻同縣孟氏女傳云字之曰德曜名孟光多一孟字當名光裁是其妻旣云狀肥醜而黑又云衣綺縞傳粉墨遂至吳依大家臯伯通初鴻友人京兆高恢及鴻思恢作詩

曰鳥嚶嚶兮友之期念高子兮僕懷思想念恢兮爰
集茲三句後二句都不成詩既曰念高子又曰想念
恢不惟姓名俱用亦重複無味也高士傳恢字伯通
恐是高臯同音而伯通同字也

夫人細君

徐夫人男子姓名荆軻傳得趙人徐夫人七首漢武
帝時丁夫人越人也以詛軍爲功右師細君亦唐博
士姓名見包咸傳漢樊崇字細君師古曰東方朔妻
名細君又烏孫公主劉細君

陳姥

諸葛亮遺司馬懿巾幗梁臨川王安侵魏魏遺以巾
幗歌曰不畏蕭娘與呂姥謂呂僧珍也隋陳積不敢
出戰杜伏威遺以婦人服致書稱爲陳姥則仲達亦
當爲司馬媪矣

秦越人郭玉

扁鵲曰病有六不治驕恣不論于理一輕身重財二
衣食不能適三陰陽并藏氣不和四形羸不能服藥
五信巫不信醫六有此一者則重難治也郭玉曰貴
者處尊高以臨臣臣懷怖懼以承之其療有四難焉
自用意不任臣一將身不謹二骨節不彊不能使藥

三好逸惡勞四扁鵲得之長桑君郭玉得之涪翁

吳華佗宋徐嗣伯

華一名粵字元化本傳有婦人長病經年世謂寒熱注佗令病者冬十一月坐石槽中平旦用寒水汲灌云當滿百始七八灌會戰欲死灌者懼欲止佗令滿數將至八十灌熱氣乃蒸出踽踽高二三尺滿百灌使然火温床厚覆良火汗洽出著粉浥燥便愈徐嗣伯字叔紹將軍房伯玉服五石散十許劑無益更患冷夏日常復衣徐曰伏熱應須以水發之非冬月不可至十一月冰雪大盛令二人夾捉伯玉解衣坐于

石上取冷水從頭澆之盡二十斛伯玉口噤氣絕家人啼哭請止嗣伯遣人執杖防關敢有諫者撻之又盡水百斛伯玉始能動而見背上彭彭有氣俄而起坐曰熱不可忍乞冷飲以水與之一飲一升病即差

重瞳十人

堯舜三瞳子 舜重瞳 晉重耳重瞳 項羽重瞳 王莽重瞳 隋魚俱羅重瞳煬帝忌而誅之 五代東漢劉旻重瞳 梁康王友孜重瞳 元末明玉珍重瞳後爲飛矢損右目號明眼子 皆雙目四瞳子也 南唐李煜一目重瞳 盧循瞳子四轉

異姓名字

皇初起字魯班漢丹溪仙人 劉伯莊即秦嫪毐

金曼倩即東方朔 當塗高 秦周字平王皆漢人

陸杲字明霞吳人 于邵字相門 陸疾字季疵即

陸羽 臺濛字頂雲皆唐人 咳即晉人 高昂字

敖曹姿體雄異見北史 佼強山陽人橫行將軍

仇尼倪鎮東大將軍 獨孤陀字梨邪 務銀提燕

馮跋遼東太守 徐宣字驕穉 桓譚字君山 慰

僕 叢 上 宇 筮 徒 縱 忽 崩 辜

甕 苑 么 法 初 旦 禰 工 晚 針 終